

**C.S.
SCHURZFLEISCH
DISPUTATIONES
HISTORICAE
CIVILES, ...**

Konrad Samuel Schurtzfleisch,
Georg Hutter



Q. D. B. V.

De

COSS. SQ.

speciatim

CIBINIENS.

disputabit

SVB

PRAESIDIO

CONRADI SAMVELIS

SCHVRZFLEISCHII,

PROF. PVBL.

GEORGIVS HVTTERVS,

Cibinio-Transylvanus,

Ad D. Maii, Anno M DC XC.

In Auditorio Maiori,

CVM PRIVILEGIO SEREN. EL. SAXON.

Disputatio XXXIX.

LIPSIÆ, Apud NICOLAVM SCIPIONEM.
clb, lbc XCIIX.

CROSS 20

CHURCH

OF THE

CONGREGATIONAL

CHURCH

OF THE

CONGREGATIONAL

CHURCH

OF THE

CONGREGATIONAL

CHURCH

OF THE

CONGREGATIONAL

CHURCH

I.



Agna quondam et prope regia erat dignitas Consulum, qui exactis Regibus, summam Reipublicae Romanae administrandam susceperunt. *Polybius lib. V. Dionysius Halic. l. V. Post utrosque Tullius aperte scribit, regio imperio fuisse praeditos, lib. III. de legibus. Livius* consulare imperium ex

potestate regia aestimavit ac definivit, *II. 1.* Minime tamen assentior Boxhornio affirmanti, *omnia Regum iura ac insignia Consulibus mansisse*, in *Dissert. VIII. de Rom. Imp.* Regium quippe imperium non est regium ius regendi, quod Tullius omnino distinctum voluit, contra quam sensit Boxhornius, et ante eum Onuphrius Panvinus in *Commentar. Reip. Rom. 579.* Similiter atque Livius potestatem Consulare non exacte regiam, sed imitatione quadam regiae potestatis descripsit. Id quod actus Imperii Consularis, et argumenta intellectus civilis facile indicant, et dissentientem ex ipso etiam Tullio et Livio convincunt. Stante enim imperio Consulari, non leges regiae, sed SCta valuerunt et promulgata sunt; hinc plebiscita et leges tribunitiae coeperunt, quae multum ex potestate consulari deminuebant. Omnium clarissime

hoc comprobatur provocatio ad populum, quae non regium, sed populare ius regendi prorsus confirmat.

II. Suffragiis populi Consules creati et constituti, ac deinceps voce praeconis, aut Consulibus interdum, renuntiati, privatum ius per se ipsi, publicum vero cum Senatu populoque reddebant. *De pracone testatur oratio II. contra Rullum, de COS. orat. pro Murena.* Iuris reddendi munus abunde constat, quod inter cetera munia Regia, ad Consules devenisse, eosque civium controversias diremisse, tradit Dionysius *lib. X.* In rebus gravioribus consulebant Senatum, ad eumque de religione, et aliis reipublicae negotiis referebant, *Liv. XXIV. 16. et 43.* Idem enim erat referre, quod consulere in antiquis formulis, quae passim notae sunt ac pervulgatae. Postea mutato Imperii statu, Imperatores ad Senatum referre, et Consules designare coeperunt. Relatio enim, cuius *A. IV. 22.* Tacitus meminit, non fuit Consularis, et designatio, quam tradit Vopiscus, ab Imperatore Valeriano peracta est, nisi quod Senatui relictum, erat ius dandi scipionem et fasces, in *Aureliano cap. XIII.*

III. Sed a Coss. et Senatu data concessaque est provocatio ad populum; neque enim iniussu populi de capite civium Romanorum statuere, aut pacem, bellum, foedera, pacisci potuerunt. *Dionys. Halicarn. lib. V. Livius II. §. X. 9.* Fuit enim praecipua auctoritas penes Coss. sed summa potestas populo servata est, usque ad tempora Dictatoris perpetui Gaii Caes. et inprimis Octavii Augusti, qui pleno regioque iure imperavit, et de auctoritate eorum, relictis in speciem honoribus, insigniter derogavit, ut ex Dione Cassio, perito rerum ac prudente scri-

scriptore, constat. Omnium primo Coss. auctoritas lege Valeria vehementer inclinata est, neque tamen ante hanc cum iure regio coniuncta fuit; quemadmodum putat Arn. Maur. Holtermannus, *in Orig. hist. Rom. iur. p. 108.* Populus quippe, eiectis Regibus, ius imperandi regiunt extinxit, neque per Consules continuari voluit; sed Laconico more et modo, Consulum potestatem circumscripsit, illisque non alio, quam suo et vicario nomine, imperium recte administrandum commisit, tempusque ipsis praestituit, quamdiu imperandi munere fungerentur. Id quod, Eutropio iudice, eo spectabat, *ut ne per diuturnam potestatem insolentiores redderentur, sed civiles essent, qui se post annum, scirent, futuros esse privatos. Breviar. l. 1.* In eandem sententiam Cassiodorus: *ne insolensceret animo, Consul dictus est a consulendo, Var. lib. VI. 1.* Scite sapienterque Florus: *ex perpetuo annum placis, ex singulari duplex, ne potestas solitudine, vel mora corrumpetur: Consulesque appellavit pro Regibus, ut consulere se civibus suis debere meminissent. lib. 1. cap. 9.* Cum quo iungendus est Cicero *II. Orat. post. red.* Consulere, ait Florus, non pleno regioque iure imperare, quippe quod cum libertate, et primo imperii Consularis instituto, ante legem quoque Valeriam, directo pugnabat. Ideo enim populus regnum sustulit, quod a iure regendi regio abhorrebat, novumque reipublicae statum libertate constituebat, Consulumque munus praecundo, iudicando et consulendo absolvi cupiebat, et expresse declarabat. Capita erant sequentia. REGIO. IMPERIO. DVO. SVNTO. IIQUE. PRAEEVND. IVDICANDO. ET. CONSVLENDO. PRAETORES. IVDICES. COSS. APPELLANTOR. Cicero de Legg. *III.* Nemo est, qui

non videat, permultum interesse inter regium imperium, et regium imperandi ius: prius enim ad regimen atque administrationem pertinet, et popularem omnino licentiam excludit; alterum vero designat regnum, sive civile imperium unius, quod nunquam Coss. nec pacis, neque belli tempore, habuerunt. Proinde verba, quae de Coss. concepta sequuntur, commode intelligenda sunt, MILITIAE. SVMMVM. IVS. HABENTO. Haec enim declarant imperium militare, et potestatem ducendi regendi que exercitus, quam Coss. non suo, sed populi nomine gerebant. A populo mittebantur faciales ad res repetendas, ad bellum indicendum, ad victos dedendos, ad foedera ineunda: Consules tantum summi magistratus, summi que duces belli erant, et iusti in militiam proficiscebantur, ut ex historia Livii patet.

IV. Magistratum inibant Kalendis Ianuariis, et annum auspicari, fastis nomen dabant, bonique omnis causa servos manumittebant, ac praeter ludos, quos edebant, missilia quoque in vulgus spargebant; senatum vero, quoties opus erat, cogeant et consulebant, Comitia edicebant, SCta proferebant, Quirites, in suam quosque tribum descriptos, ad suffragia vocabant: sed cum in provincias exirent, bellumque gererent, praetor urbanus Romae curabat, et munere eorumungebatur. Coss. ipsa inaugurationis suae die, quae in KAL. IAN. incidit, manumissionis ritu perfuncti sunt, repetito inde a Bruto Coss. initio, quod *Livius II.* docet, et sua aetate ita fieri consuevisse, affirmat *Ammianus Marcellinus lib. XXII.* Cuiusmodi Consules nominati sunt *Ordinarii*, qui nomine suo annum signabant, et cum solennia Consulatus fierent, trabeati (in castris paludati) incedeant, Consulesque

que alios deinde sibi sufficebant, quorum tanta non erat dignitas, quanta illorum, qui nomina sua fastis praescribebant. Potestas tamen fuit eadem, quae priorum, sed auctoritas dispar, de quibus intelligendus est *Seneca lib. III. cap. 31. de ira*. Dati enim duodecim fasces indicant, datam esse plenam consulatus potestatem, sed cum minori dignitate coniunctam. Verba eius plana sunt. *Dedit duodecim fasces, sed non fecit ordinarium Consulem*, id est, Cos. sibi suffecit, vel suffectum designavit. Atque hi Consules ipsis *nundinis* designati et suffecti sunt, quod *nundino* quidem primo, crebrius fieri consuevit. De Alexandro Severo hoc tradidit *Lampridius cap. 28. coll. cap. 43*. Talia enim *nundina* sex prodita sunt, quae si claudebat Senatus, non erat iam locus sufficiendi Consules, apud *Vopiscum in Tacito cap. 9. ibidem not. CL. Salmasius, ex eoque Antonius Pagi in dissert. Hypatica part. 1. cap. 1*. Praeter hos Consules erant *honorarii*, qui titulo contenti, administrationisque expertes, in solo honoris simulacro acquiescebant. Cuius auctor instituti fuit Iulius Caesar, qui decem viros praetorios, nullum unquam Consulatum adeptos, honore Consulari ornavit, ut est apud *Tranquillum cap. 76*. Idcirco post Cos. ordinarios, considerare iussi, quia nihil praeter nomen et ornamenta Consularia obtinebant, *Novel. Iustin. LXII. Iidem Codicillares* nuncupati sunt, propterea quod per codicillos vacantes eam dignitatem obtinuerunt, de quibus legere licet *Cassiodorum Var. VI. 10. Huc pertinet l. 66. C. de Decurionibus, et l. 2. C. Ut dignitatum ordo servetur*.

V. Postea vero oppressa reipublicae libertate, Consulatus summo unius imperio cessit, et Imperatorum arbitrio susceptus et collatus est, a quo tempore deinceps Con-

cio starent, atque ex auctoritate patrum agerent omnia, et exequerentur. At Imperio in unius potestatem redacto, dignitas Consulum exolevit, et umbra pristini honoris remansit, cum Imperatores omnia reipublicae iura se traherent, nullamque SCtorum, et populi suffragiorum deinceps rationem haberent. Aliqui enim robur adimere concepti, honore pristino afficiendos putarunt, aliqui etiam insigniorem honoris partem eripuerunt, annisque numerandis non Consulum, ut antehac, sed Imperatorum nomen praeposuerunt. Id enim decrevit, iussit, et novissima sanctione publica confirmavit Iustinianus Magnus, anno post Christi natalem Dionysiano vulg. DXXXVII. *Quorsum vid. Novell. XLVII.*

VI. Ab Imperatoribus haec Consulatus dignitas, non in cives modo, sed etiam in vicinos amicosque Reges collata est, quod usu probavit Anastasius, et Consulem declaravit Clodovaeum, Francorum primae stirpis Regem, ut honoris splendidissimi pariter, ac summae benevolentiae indicium esset, perpetuoque sequentium aetatum consensu, posterorum memoriae traderetur. Quod munio auctoritate Gregorii Turonensis, antiquissimi rerum Francicarum scriptoris. *Ab Anastasio, inquit, Imperatore Codicillos de Consulatu accepit, et in basilica beati Martini tunica blatea (hoc est, purpurea) indutus est et cblamide, imponens vertici diadema. Tunc ascenso egro, aurum argentumque in sinere illo, quod inter portam atrii et ecclesiam civitatis est, praesentibus populis, manu propria spargens, voluntate benignissima erogavit, et ab ea die tanquam Consul et Augustus est vocitatus. lib. II. cap. 38.* Idem scribit Aimonius lib. I. c. 22. de gest. Franc. Sum-

mae erant Consulibus Patriciisque dignitates, quae nonnisi in illustres conferebantur, et Clodovaeo non adipiscendi regni, aut regii iuris causa, sed imprimis ob virtutis famam, honoris ergo dabantur. Huc referri meretur *lex ult. C. de COSS.* Diu post ex secunda Francorum stirpe Carolus M. Consulatum pro Imperio sumpsit, *annumque Consulatus primum*, pro anno Imperii primo habuit, ac plerisque in tabulis signavit. *Car. Sigonius l. IV. de regno Italiae.* Speciatim Patriciatus Caroli M. fuit eminens, et in summa urbis potestate fundatus, quem Consulatus exceperit, quo maior augustiorque nusquam in terrarum orbe reperitur.

VII. Qui in Italia Consules, ii in Germania Magistri Civium appellati sunt, quos recentiori vocabulo *Burgimagistros* nominant, quoniam civium negotiis praesunt, et summa dignitate aucti, munere suo in urbibus funguntur. Hi quando coeperint, non satis exploratum est; illud autem pro certo affirmare possum, in veteri Francorum Republica, nullos hoc titulo urbium magistratus fuisse. Ut veri sit simile, finito Francorum Imperio, quod dissidiis attritum, et fatali deinde casu extinctum est, primo constitutos, et inde a temporibus Augustorum Saxonum in rempublicam receptos, atque in oppida introductos esse hos civium magistratos. Diversum ab iis sentio, qui *Burgimagistros* antiquitus dictos putant; nusquam enim hoc nomine in annalibus tabulisque veterum inscribuntur, etsi magistri civium nominantur passim et celebrantur, cum primis autem in seculi XII. et XIII. monumentis. Cives autem alio nomine *burgenses* audiunt, cuius origo a *burgo* ducitur, *burgus* autem nunc castelli, nunc oppidi significatione venit. Quod P. Lambecio e memo-

ria excidit, dicenti, *burgum pro urbe nusquam se legisse. Rer. Hamburg. lib. II. p. 13.* Atqui legere potuit apud Ottfridum, qui Francorum seculo floruit et scripsit. Post eum per plures alii, *burgum* pro urbe extulerunt, quod diplomata passim in Germania et Belgio edita Lambecium admonere debuissent. Hinc minime colligere fas erat, *Burgimagistrum appellandum esse praefectum pagi, vel castelli*, quandoquidem hae dignitates ad Comites et *Burggravios* pertinebant. Etenim magistri civium non erant magistratus in republica maiores, nec tamen minoris momenti negotia in urbibus administrabant, sed summa in iis auctoritate pollebant, etsi aliter visum est *auctori exercitationis de urbibus Germanicis apb. LXXIV.* Illud addere iuvat, magistratos civium praeponi Consulibus, ut passim conspicitur in formulis diplomatum Tevtonicorum. Sed tunc Consules pro Senatoribus accipiuntur, perinde ac Proconsules interdum pro Consulibus usurpantur, recentiori et ab aeo Romanorum abhorrente exemplo, quod seculis rudibus atque inficetis facile condonari potest.

VIII. In Transylvania urbes Saxonicae instituta et mores sequuntur veterum Saxonum, virosque bonos et iustos alunt, qui consilia non casu, sed ratione ac iudicio metiuntur. Consules et Senatores sapientia praestant, et quid facto opus sit, tempestive admonent, ita ut in omni re salus populi proponatur. Speciatim in Vrbe Cibiniensi optima deliberandi ratio valet, et magistratus fidem diligentiamque civibus demonstrat. Auctoritas penes Consulem, consilium penes Senatum, potestas penes populum est, amor denique omnium animos coniungit, legibusque in officio retinet, et sancte confirmat. Cives ubi nati educatique sunt, ibi libenter vivunt et manent, patriaeque dulcedine capti, sub iusto Rege, et moderato Principe coniuncti inter se at-

que concordēs, aequa libertate fruuntur. Status urbis popularis est, administratio *aristocratiā* praefert, et tribunitio iure temperatur. Duplex Senatus est, interior, qui auctoritate conspectior, iudiciis civilibus et capitalibus praefest, ac XII. Viris constat: exterior Centum viros complectitur, qui populi vicem referunt, suffragiisque suis efficiunt, ut omnium sane civium ratio habeatur. Intra Urbem Consul primas tenet, et tanquam in loco iurisdictionis suae, Regium Iudicem praecedat: extra urbem, et in provincia Iudex honore praestat, et praefes est conventus iudicum, qui a septem urbibus deliguntur, quin et caput nationis Saxonicae apud Transylvanos est, ac totius provinciae Comes, quam dignitatem, quoad vivit, retinet, eiusque ratione a Principe confirmatur. Consul etiam praecipue aerarium curat, et cum senatu censum cuiusque civis dehinit, tributaque opum proportionē imperat, constituto ad eam rem exactore, qui pecunias cogit, et aerario infert. Tum Consul, qui, finito biennio, magistratu abiit, titulo *Proconsulis*, plerumque Curiae consiliis adhibetur, aut si Consul reipublicae causa foris versatur, partes eius agit Proconsul, aut si hic forsan e vita decessit, sedis Iudex, soli alioquin Consuli secundus, vel quis alius ex primiceriis senatoribus, Consulare munus administrat. Praeterea sedis iudex, iudici tamen regio obnoxius, in tractu Cibiniensi, de delictis cognoscit, et in facinorosos inquirat pariter ac animadvertit. Amplius vias publicas curat Senator, qui *Villicus* dicitur, prospicitque, ne pontes, portae, et aedificia publica virium faciant, ne itinera transitusque corrumpantur. Aedilis sigillatim basilicas, templa et scholas curat; denique suum quisque officium facit, salutemque urbis, supream esse legem, recte arbitrat.

) : o : (